

● 陕西省古籍整理出版年度项目

● 陕西省古籍整理办公室 编

● 吴敏霞 主编

长安碑刻

(下册)

● 本册副主编 穆晓军 宋英

● 宋英 吴敏霞 穆晓军 赵晓宁 编著

大隋弥寇将军奮武尉右屯衛步
之墓誌
君諱方保字阿保鴈門人也獨侯
方伯之門冠纓累世君少開戎略
在心無煩劒術身居末將而勇氣
而謀叅幕府齊竊山左躬廁後旗
麾下神風始發肅靜百川武校輓
司禁旅數賞戎榮授弥寇將軍奮
兵校尉加以含仁愠德去偽從真
三寶樂生東海方驗推移日落西
經不愈奄遂光推以大業六年歲
十四日卒于醴泉里春秋六十有
午朔廿七日甲申葬于京兆郡長
福里之原遂使延陵之劒空掛士
安石銘嗚呼哀哉乃為頌曰
墳瞻北渭隴望南山揮戈四表定
及節建名班高陽有去京落無還
頻移心存玉字意念金儀花從風
沉無返略記玄碑

图书在版编目（C I P）数据

长安碑刻：全2册 / 吴敏霞主编. -- 西安：陕西人民出版社，2014
ISBN 978-7-224-11269-6

I. ①长… II. ①吴… III. ①碑刻—汇编—西安市
IV. ①K877.42

中国版本图书馆CIP数据核字(2014)第202074号

长安碑刻		
主 编	吴敏霞	
本册副主编	穆晓军 宋 英	
编 著	宋 英 吴敏霞 穆晓军 赵晓宁	
出 版 发 行	陕西出版传媒集团 陕西人民出版社 (西安北大街147号 邮编：710003)	
印 刷	中煤地西安地图制印有限公司	
开 本	787mm×1092mm 8开 83.5印张 4插页	
字 数	846千字	
印 次	2014年9月第1版 2014年9月第1次印刷	
书 号	ISBN 978-7-224-11269-6	
定 价	580.00元	

录文

韦彧墓志铭

录文

魏故使持节散骑常侍太常卿尚书都督雍州诸军事抚军将军豫雍二州刺史文烈公韦使君墓志铭

公讳彧，字遵庆，京兆杜人也，今分山北县洪固乡畴贵里。肇基颍项，命氏豕韦。翼商周为世祿，历汉魏而朱轩。大丞「相扶阳节侯贤，小丞相恭侯玄成，即公十六世祖也。七世祖晋太常卿上禄贞侯讳敦，六世祖北平太守关内靖侯」讳广，高祖清河府君讳湛，曾祖秦姚郎中讳宣，并缀响儒林，德音清美。祖魏雍州刺史、杜县简侯讳尚。追体潜龙，利「见大人。会太祖武皇帝藻玉凤池，衣锦乡国。考郢荆青三州使君、霸城懿侯讳珍，字灵智。拥旄三岳，芳誉结路，驱「旌万里，童稚餐良。声溢魏齐，功书两史，固以蔚彼北林，隆兹积石矣。公禀气玄黄，天姿凝秀，神壑三才，情和六物。岐「嶷之辰，合黄中以达性；纨绮之岁，舒清襟于文思。孝敬仁恭，超颜闵之称^①；温清礼顺，颉颃孔乡之美。言穷五籍，文综「百氏，经眸无再，一贯高赏。陶衍洪规，儒林慕其芳尘；匹翰清章，衣冠咏而在口。谈天饰凤，绝比遐踪；雕龙金马，于此「沦迹。遂德蔚彼千刃，清衿浩如万顷。兹焉藉甚，望古无双。七龄之日，发制洪藻，乐道丘林，不答州郡之命。会高祖「孝文皇帝定鼎嵩缠，亲简人门，太和十九年钦公高辩，顾谓仆射李思冲曰：才明如响，可除奉朝请，令优游道素，以「成高器。广阳王嘉奏为骑兵。事非所好，辞官去禄。归养温清，制赋述志，忘食终朝，追经达曙。瞻风慕道，千里结辙，负「书钻术，如鳞之萃。任城王为雍州，以地锦西周，天乡一俊，屈为治中。公清风翥物，缉政唯美。大使巡方，命为别驾，督「京兆郡，行州府事。昼锦敷政，四慎之风，飞光万里；三奇之惠，独美令章。暨关陇扬尘，北地势连原火，屈公督郡百姓「，昭明如见父母。曾未浹辰，还用清谧。信哉！公之德义，利于甲兵矣。自乡端八载，旧盖不易，乘车仍返，唯储书数千以「自悞世。永平元年，翁疾，孝侍忧毁，兴居罔倦。风树不追，委旷告分，痛毁刑魂，莅消化骨，去粒绝盐，几于灭性。拜司空「中郎，俄司徒中郎领掾，又为大将军中郎。秋，拜散骑侍郎。优册雅言，谟明盛辰。典章符檄之文蔚，万古以葳蕤；军国「诏诰之翰邈，千祀而昭晰。熙平元年，宗官旷德，人神载矜，兼太常卿。司徒、广平王召屈咨议，风蔚槐庭，道光云水。寻「除假节督东豫州诸军事、平远将军、东豫州刺史。导民以德，齐民以礼，贾楚不用，图圉长虚，蔚若春云，暖同秋露。□「政乏袴之谣，非独西京；惠君神父之咏，复刑东国。建太学，置崇文堂，立孔圣庙，生徒负帙，慕义如云。俎豆之容，道齐「一变。政事之暇，亲为执经。高义既清，徽言载绪。伪民奔德，乐兹化道。夫妻负戴，关术填噎，讴歌行颂，于今盈耳。朝廷「以声名为天下最，频降优旨，赐驛騊上驷，綵缣百匹。及代当还，编户饮泪，卧辙思仁，越境未止。正光五年十月，诏大「将军长史，又除散骑常侍、征虏将军。缉如纶之旨，综帟幄之谋，出内既谐，军国斯美，词诰丝多出公焉。孝昌元年「，诏公本官持节都督征豳军事，兼七兵尚书、西道行台。太和高祖大驾廓清樊、邓，公有力焉，封开国男，食邑二百「户。节盖州馆，寢疾大渐。子晔及融侍还私第，奉足以莅。顾谓曰：启予手，启予足。尝药祷神，曾无感辙。树风不静，负粒「何申，号天叩地，烦冤悞抑。春秋五十一，孝昌元年八月廿六日，薨于长安城永贵里第。天子伤恻，朋僚涕塞，泪满行「目，人思致□。赠使持节都督雍州诸军事、抚军将军、雍州刺史。丧礼所备，悉皆公给。长子彪与吏民谨上行状。太常「博士朱惠兴议：公慧性冲远，才业清敏，幼敦诗书，长玩百氏。昔衣锦乡，寮庶缉穆；往毗二台，义光槐庭。入司琐闥，谟「明帝道；出藩东南，流声二国。导德齐礼，伪服归仁。廉素之风既著，纳言之亮惟美。谨依谥法，博闻多见曰文，有功安「民曰烈。太常卿、尚书仆射元慎奏可，礼也。二年岁次丙午十二月乙未朔十日丙午，谒者萧轨持节奉册，即柩祭以「太牢，护雍州法驾诣墓，葬于旧兆杜陵。公义同削草，事等温树。今髣髴遗尘，无申万一。

其辞曰：

明明圣后，赫赫我公。含和二气，体道神聪。黄中万顷，至德文踪。清风素轨，寔曰时综。好爵日臻，轩旗结辙。半天坠照」，云霞昼灭。六合同悲，九域酸咽。

第二子晔，其年十二月四日立。即以十二日在使君玄宫之右掖。

夫人河东柳氏，讳敬怜。生七子。父讳文明，州主簿、别驾。祖讳师子，州主簿、州都膺扬将军、襄阳太守、西陵男」。长子彪，字道亮，州主簿、治中。第二子晔，字道夏，本郡功曹，州抚军府记室参军、州别驾。第三子融，字道昶。第」四子熙，字道昇。第五子奂，字道泰。第六子皦，字道颶。第七子龠，字道谐」。

【注】①依句式，本句应有脱字。

按：是志考释可参见周伟洲、穆小军等《新出土的四方北朝韦氏墓志考释》一文，载于《文博》2000年第二期65页。

杜和容等造四面石像碑

录文

阳面

夫统乾覆巢者，非如来」无以□□晕；陈腾虚像」者，非灵容无以标其真」。是以邑主杜和容等，□」知身无常，财非己有」。各割舍家珍，为国造」石像一区。上愿国主□」祚隆七百，下为所生父母」、因缘眷属、六道仓生」等成正觉。

大魏武泰元年戊申岁四月」八日刊讫

左侧面

治律李□姬 典坐赵罗朱
治律刘无诤 化主仵罗容
都唯那张廻 化主尹男引
唯那樊明姜 香火宋妙容
唯那王法胜 香火刘罗朱
唯那席桃姬 邑子李垂咨
典录李阿女 邑子王众媚
典录江女容 邑子王要姜
典坐胡□光 邑子张罗朱

□□ □保朱

左像下署：尹作龙

右像下署：木花主僧显

右侧面：

邑子赵胜贵 邑子张郑□
邑子仵稚美 清信女垣阿荣 邑子袁男山
邑子赵王仁 清信女张光英
邑子赵女赐 清信女张始姬、赵阿花

邑子王信太 清信女邢女香 清信女董□
香火王双好 清信女尹毅喻 清信女尹红□
香火尹□姜 邑子末阿□ 清信女江美□
典坐江妙光 邑子魏疑容 邑子杨伏□
典坐王龙姜 （下阙） 邑子朱阿□
邑子□□□

阴面：

息道吴、息女道姬、讨寇将军尹□龙、二息尹神□」
息征吴、孙子壮生（以下清信士姓名略）

冯景之墓志铭并盖

西魏大统十年（544）四月十八日立石。1993年4月出土于长安县镐京村。现藏陕西历史博物馆。

盖、志长60、宽64厘米。盖文阳刻篆书3行，行3字：“魏故司」空公冯」君墓志”。素边。志文楷书，兼有隶味，35行，满行38字。

录文

魏故使持节侍中司空公都督瀛沧幽安平五州诸军事骠骑大将军瀛州刺史高阳县开国公冯公」墓志」

公讳景之，字长明，河间郡武垣县崇仁乡谨顺里人也。先单名，为侍中，奏事主上，欲后子孙易讳，敕」□之字。九世祖唐，本赵人，为汉之楚相。中祖孟仲封高阳侯，因国为家，遂居高阳焉。七世祖固璋，别」封东城侯，后为河间太守，乃择闲田作室家于武垣。曾祖卓烈。祖时，为鲁郡太守。父桀，太和中光州」安东府司马，迁陵江将军、扶輿令。衣冠弈世，既著姓于乡邦；门庭和睦，礼教闻于州里。兄弟四人，公」实居嫡。自开建大国，岂唯堂构而已！公少有倜傥之志，不以近趣经怀。所以行年过立，来应州郡」命，挟策从师，章句称美。于时升平在运，才异无以自达。有故齐王萧宝夤者，南国令蕃，以衅难归。于」我皇朝，礼遇望实并隆，嫔以主姬，秩均杞宋。作牧瀛部，德政有闻。凡厥佑吏，妙尽人物。虽末途失节」，势处下流，而当日才华，足称英俊。公以其有报复之志，故乃投刺而通谒焉。恩接既深，遂成委质。结」荫未久，寻出行高城县事。曾不期月，民用知方。齐王自瀛迁冀，仍以故义伏节。及出蕃入揆，或东讨西征，契阔始终，公必从事，委以耳目，寄以喉唇。正光中，释褐强弩将军，鸿渐龙升，于兹为始。寻迁奉」车都尉，转中坚将军、步兵校尉、太宰。上党王天穆之伐邢杲藉甚，公有军国才干，右补铠曹参军。丁」艰在制，秦州刺史汝阳王叔昭起为防城别将，复中坚步兵，又转录事参军，兼行台右外兵郎中。时」海内多难，关中尤甚。征讨略阳，复为监军，公平举也。行台仆射贺拔岳伐汝阳，为秦州仆射周公时」为行节，乃荐公于岳，同任行省。时大丞相宇文王为行台左丞，运筹决胜，必参帷幄。险阻艰难，义同休」否。及岳解行台，以公为开府从事中郎。孝武临御，岳遣公诣京，既事谋谟，兼申诚节。频频往复」，匡济实多。除抚军将军、光禄大夫，续迁镇西将军，加金章紫绶。公尝奉使高欢征察时事，知欢终于」苞祸。欢^①帝入幸关西，虽不即从，终于至此。寻除都督，又以本将军为略阳太守。剖竹一邦，专城千」里。朝申共治，民赖唯民。五袴成谣，两岐兴咏。丞相迎驾关西，兼行台左丞留守原州，委以后事。寻加」散骑常侍。今上启圣，除使持节都督卫将军、瀛州刺史。东途尚梗，又以本官行泾州刺史事。时率」上早疫饥蝗相仍，

民物雕残，十室而九。公褰帷问瘼，发廩开仓，公私振拯，所全者众。齐礼导德，令行禁止。六条克举，万里无尘。迁骠骑大将军，又兼给事黄门侍郎，出使岷州。皇华之美，绣衣允集。积累功业，光启土宇。除高阳县开国公，书社千室。下年，除侍中。十年，以本官兼度支尚书，外总纳言，内司常伯。优游辨驳，纵容献替，弘益自多，振拔斯广。公自起家从宦，年过卅。立政宾王，岁盈二纪。四郊多垒，九服横流。出纳经纶，备属军国。历事宰相，每为心膂，逢迎时主，恒处机密。常以忠笃见知，治实蒙赏。才侔管晏，器并张陈。阳源未足为俦，茂先安得独步。刀笔之美，冠冕前修；簿案之口，仪形后进。尤口法令，妙善章程。孝武西巡，既符宿旨；皇上驭历，豫识龙颜。大丞相道格穹旻，礼绝群后，文明吉德，水镜当时。而徘徊接遇，绸缪春赏，深闺闲口，有同步素。良以功预断鳌，勋参练石故也。方袭袞台路，变道槐轩，降年不永，梁摧淹及。大统十年三月六日，薨于长安城内永贵里，春秋六十有七。朝野痛惜，诏赠有加，礼也。即以其年龙集甲子四月乙卯十八日壬申，窆于南乡。乃作铭曰：

燕赵多士，溟碣流祉。降灵若人，笃生夫子。志有口白，情无吝鄙。金贞玉润，渊凝峰峙。壮年从聘，仕岁宾王。力宣军国，誉满邦乡。始自楨干，终为栋梁。义参九合，功赞一匡。在席称珍，居朝曰宝。贵齿崇德，实惟元老。钜平之嗣，如何天道。藐藐莹妇，呜呼不造。一鼠交食，六龙争骛。舟壑潜引，刀圭靡铸。百年过隙，一生朝露。疾没无称，徽风斯树。

太常考行，谥曰昭顺公。

【注】①此处原空一格。

按：冯景之，西魏重臣，一品大员，《北史》卷六三、《周书》卷二二皆有传。然史书简略，而志文较翔实地记述了景之之生平履历、官爵功绩。并且涉及了北朝政权更迭中激烈的政治斗争和统治者镇压各族人民大起义的诸多战事，以及一些帝王重臣、起义军领袖等人物。如齐王萧宝夤（见《魏书》卷五九等）西征关陇起义军、上党王天穆之伐邢杲领导的山东起义、行台仆射贺拔岳（见《魏书》卷八〇等）伐汝阳、冯景之奉使高欢、魏孝武帝临御、西魏文帝启圣等等，可补正史之缺略。同时，是志可纠正史书中几个明显的讹误：

一、志主的名讳为“景之”，非“景”。《北史》《周书》乃至其他史书均记“冯景字长明”，而志文云“公讳景之，字长明”。应以其墓志为准。

二、《北史》记冯景“父杰，为伏与令”。志文云“父桀……扶舆令”。“扶舆”，北魏太和元年（477）置，北齐废，故治在今河北清苑县东北。而“伏与”则诸历史地名辞典不载。父名及官职均应以志文为准。

三、《周书》记：“太祖（周太祖宇文泰）平侯莫陈悦，除景（之）洛阳郡守。”是书校勘记六张森楷云：“洛”疑当作“略”，以略阳是陇右地，而洛阳非宇文泰此时所有。”冯景之墓志云：“帝入幸关西……寻除都督，又以本将军（由抚军将军续迁镇西将军）为略阳太守。”从而知张说是，可据志文改之。

四、史书均记景之爵位为“高阳县伯”，而志文称：“积累功业，光启土宇，除高阳县开国公。”前者为第三品，后者为从第一品。虽然墓志一贯被认为有谀墓溢美之嫌，但当代当时（卒后月余）所记，似不至误。

韦彧妻柳敬怜墓志铭

西魏大统十六年（550）二月四日立石。1998年10月出土于长安县韦曲北原。

石近方形，长43.5、宽45.6、厚11厘米。志文楷书中带有隶书风韵，共23行，满行23字。

录文

魏故使持节抚军将军豫雍二州刺史阴槃县开国文烈公韦戡妻澄城郡君柳墓铭」

君讳敬怜，河东南解人也。祖讳师子，鹰扬将军、襄阳男。父讳」文明，州主簿。玄流复古，大宝今明，情鉴资爱，难与为俦。心同」清敬，非远如近。肃邕礼尽，锵锵之吉。不洁锜宫，怒焉之丽。言」容琬琰，响中垂则。楚韵珪璋，飘飘竦翰。负璧衣而临玉，炫葛」蕈之要珠。不无先有，因心孝第。义然乃为思姑后事。芳薰旦」灭，青蘋夕彫。白云之淼漫，含天山之江川。及水积桐源，淮海」连淖。外政不入，熹愠无形。内工宣理，嘉帙清婉。垂琮璀璨，绿」缣绸缪。织纆组紃，习而能骸。齐摄云墀，会同归阙。训出乾坤」，母仪范宸。方联光于玉帛，齐簪蝉于万国。大统十五年己巳」冬十一月十九日癸酉，春秋七十三，薨。庚午岁春正月，封澄」城郡君。二月四日甲申，合葬杜陵旧兆洪固乡畴贵里」。

长子车骑将军、廷尉卿、阴槃县开国男、频阳县开国侯彪，字道亮」。

亡第二子郡功曹、抚军府记室参军兼别驾晔，字道夏」。

亡第三子安西将军、通直散骑常侍、长安伯融，字道昶」。

亡第四子持节车骑将军，晋雍二州刺史、元寿县开国男熙，字道昇」。

亡第五子持节征西将军、帅都督、山北县开国男奂，字道泰」。

亡第六子本州主簿、冠军将军、中散大夫暉，字道颺」。

第七子大丞相府参军都督侖，字道谐」。

亡长女伯英，适陇西辛粲，州主簿、别驾，北地太守，秦州刺史」。

第二女仲英，适清河崔彦道，大鸿胪卿、行浙州刺史」。

亡第三女季英，适河东柳皓，镇远将军、相府参军」。

拓跋育墓志

北周明帝二年（558）十月十二日立石。1982年出土于长安县小兆寨与西曹村之间土壕里。现存长安区大兆街办小兆村。

志石方形，边长45厘米。志文楷书9行，满行10字，共81字。

录文

周故淮安公拓跋育墓志」

公讳育，字僧会，文成皇」帝之曾孙，献文皇帝之」孙，高阳文穆王雍之第十」子。魏后二年改封淮安公」。二年二月十七日薨，谥曰」思。二年十月十二日葬于」小陵原。

周二年十月十二日」

郑术墓志铭并盖

北周天和四年（569）十二月十七日立石。2002年出土于长安县镐京乡丰镐村。现存西安碑林博物馆。

盖呈覆斗形，志方形，边长均52厘米。盖文阳刻篆书3行，行4字：“大周开府」清渊元公」郑君墓志”。素边。志文楷书26行，满行30字。志石左侧刻文4行，满行20字左右，亦楷书。

录文

大周使持节骠骑大将军开府仪同三司大都督始州刺史清渊侯郑君墓志」

君讳术，字博道，荥阳开封人。其先周王厉宣之出，郑伯桓武之苗，因国命氏，本枝长世。岷山濯锦，本□源流，关右削成，岂云高峻。司农置驿，推士驰名；太常骖乘，忠贞见重。自兹已降，世有其人，史谍详之，可略言矣。祖寄，本州别驾。父熙，龙骧将军，卷县令。君道亚生知，识均殆庶，岳立渊滢，黄中通理。三坟五典之说，莫不原始要终；匡世济俗之方，固亦同于指掌。是以人伦之士，咸以纬许焉。时逢逐鹿，世有战龙，尽野鸿沟，屯兵官渡。君舅氏高慎，牧为豫州。君深知逆顺，洞识机萌。乃赞翼谋谟，潜思去就。既而左提右挈，举众西归。同微子之辞殷，似陈平之来汉。魏大统九年，封清渊县开国伯，邑五百户。大开土宇，奄有山川河岳；誓以永宁，茅社瑞其方色。仍授轻车将军、给事中兼太子洗马。十五年，迁员外散骑侍郎、持节大都督，又授使持节车骑大将军、仪同三司。高飞六鹰，庭列三槐，佩紫垂金，鸣钟鼎食。时庸蜀初附，邛笮未宾，盛选明贤，抚兹荒梗。后三年，除益州和仁郡守。胜残去煞，易俗移风，载兴五^①之歌，遽动两岐之颂。其年，进爵为侯，增邑通前一千户。周武成元年，加开府，置佐吏。俄而，再迁始、遂二州刺史。襄帷万里，布政两蕃，豪右畏其秋霜，輿民爱其冬日。时建忠畿地，密尔王城，豪族近臣，号为难牧。以君器称瑚琏，独步当时，乃征还除建忠郡守。百姓来苏，四民乐业，比迹张王，连声杜邵。然而东郡父老，犹望耿纯；并部儿童，还思郭伋。故天和三年，复除始州诸军事、始州刺史。未遑述职，遘疾弥留。以其年四月一日，薨于长安第。昔宣尼至圣，尚有摧木之歌；庄子通方，犹著归真之论。生而有终，斯言信矣。诏赠梁豫二州诸军事、二州刺史，谥曰元，礼也。夫人闻喜裴氏，讳淑晖，魏车骑将军、晋州刺史渊之女。回环倚伏，早落先秋。以四年岁次己丑十二月丙辰朔十七日壬申，同窆于长安之阿傍曷陂里。盖以日居月诸，山移谷徙，勒兹玄石，播此遗芳。铭曰：

隐轸高门，葳蕤华裔。叠映琳琅，连声松桂。赫矣君侯，于属诞世。质文兼武，睦孝敦仁。白珪无玷，黄金语珍。龙蟠东土，豹变西邻。呼乎隙马，伤载□川。风枝遽动，惠帐徒县^②。皇哀失手，朋悲绝弦。冥冥蒿里，郁郁街城。龙墟□动，画□□□。霜凋草色，风韵松声。菊兰方茂，池台泪平。

长子纲，字仁宗，右侍上士。第二子维，字仁□。第三子坚，字仁谋。长女适河内司马选，帅都督。第二女适皇宗宇文谐，帅都督。第三女适皇宗宇文谈，宗师大夫。第四女适范阳□□□□。第五女适皇宗宇文弘，□府记室」。

【注】①此处疑脱“袴”字。

②“县”通“悬”。

按：是志据《文博》2003年6月任平等《北周〈郑术墓志〉考略》录文。

乌六浑乐墓志

录文

大周大都督朔州刺史故乌六浑乐墓志」

君讳乐，字世宁，陇西狄道人。本姓辛氏，以「父叔有大勋，赐为国姓焉。开府隆州刺史」孝昌公之二子。性质迎□之□，纯怀探穴」之志。风流毅而难侵，精爽孤而独拔。以贵」公之子，擢为齐公亲信，寻授都督。而东寇」未纯，遽侵疆场。齐公率师，威斯东服，君遂」奋霜戈而摧前敌，超群迥而陷褰旗。不误」马蹶隧身，箭尽攘臂。叱贼之声弥彰，元德」之志方广。遂殒丧贼中，卒无二志。时春秋」廿有六。但下车策勋，军庸三袭。以天和之」五年，诏赠大都督朔州刺史。□□以八」月十四日，葬于小陵原。气与孤烟齐

竦，志」逐寒松而秀。勋播斯兮于官口，口幽幽兮」欲何趣。呜呼哀哉，呜呼哀哉！

子名岳，字长嵩」。

韦彪墓志铭

北周建德五年（576）十一月九日立石。1998年10月出土于长安县韦曲北原。

石近方形，长54、宽52.5、厚12厘米。志文楷体中带有隶书笔意，共31行，满行31字。

录文

君讳彪，字道亮，京兆杜人也。帝颙頊之苗裔，陆终之胄，大彭之胤。十八世祖汉丞」相贤，积德好学，博通经史。赢金非宝，坟索为珍。故少子玄成复以明经作相焉。传」芳累叶，芬馥万载。显显双珠，昂昂千里，缉熙魏晋，世多哲人。曾祖尚，雍州刺史、杜」县侯。深体危乱，悟于有道。雌伏苻姚，雄翻后魏。祖珍，荆郢青三州刺史、霸城侯。志」操贞远，英风高迈。频履大蕃，著绩朝野。父戡，豫雍二州刺史、阴槃县开国男。褰帷」作牧，民咏来晚，威恩并设，宽猛兼济，宦通清显，有魏名臣。君禀训过庭，闻诗学礼」，幼称令望，时号无双。然争日之奇，比月之喻，智思天然，莫测渊奥，孝同曾闵，友过」臣尉。乡党归德，朝廷嗟称。琢磨内润，善誉外扬，既为孝子，复作忠臣。起家为本州」主簿。始阶尺木，便剖大邦，仍除蓝田郡守。当郡都督，持节带防，扇以春风，沐之夏」雨，四民乐业，五袴兴咏。折薪既荷，基堂乃构。袭爵阴槃县开国男。位膺当壁，才任」国栋。帝度良臣，金君修寄。中诏褒奖，委之阃外，除征南将军、银青光禄大夫、东南」道行台右丞，领大傅长史。副贰论道，辖辖戎省。属魏政陵迟，禄去王室，权宠擅命」，窥觐神器。遂使銮舆西幸，宗庙禾黍。君忧国忘家，志匡靖难。乃星言奔赴，奉卫途」中。鱼水相见，君臣体合。烈封河山，用酬丹赤。赏频阳县开国侯，食邑八百户。值大」周龙潜，扫清寰宇。君上攀云翼，下厕一毛，每从征战，义勇俱发。庆位乃班，戎章转」峻，除车骑将军、廷尉卿。疑狱从宽，议无回僻，季高秉法，文惠之能，用今况古，何以」加焉！禄以德崇，位升鼎铉。既列九棘，复树三槐，除车骑大将军、仪同三司。既躋台」阶，方申远大。而昊天不吊，奄从化往。春秋五十有九，以武成二年薨于家。天子嗟」悼，僚友恸泣。夫人河东柳氏，自相伉俪，止诞一女。如何彼仓无知，终令此君无儿」。虽复犹子丞继，呜呼痛矣！粤以建德五年十有一月九日，窆于先君莹城。君平常」志度，与物无竞，情放虚舟，淡而寡欲。朋游许郭，交必田苏，容止可观，进退有度，言」为世则，行为人范。至于良辰丽景，素晖朗夜，方丈盈前，琳琅满席。若叔度之陂浥」而难竭，仲举之骥骏逸方远。如何永埋玉树，厚夜长眠。铭之金石，以凭不朽。其词」曰」：

厥初黑帝，建号高阳。蚺感女枢，诞载幽房。克伐共工，天下以康。才子八人，德至万」方。仰推胤绪，或睿或圣。豢龙唐朝，大伯商政。世作丞相，在汉之盛。双珠显魏，熙明」照莹。乡称孝悌，国号忠臣。竟无男息，有女一人。号咷惻独，理极难陈。宗族痛恨，知」故酸辛。滔滔洪海，三为桑田。岩岩五岳，再作尘烟。龟鹤千岁，人期百年。陵移谷徙」，金石聊镌。

大周建德五年，岁在涒滩，月次黄钟，其朔丙子，其日甲申，奉迁铭记」。夫人河东柳氏。父元章，正平太守。息女晖亲，华阳郡君，适钜鹿魏昌，任周使持」节、开府仪同大将军、巴和卢三州刺史、卢乡县开国侯。继后之子，字子衡」。

按：韦彪，《魏书》卷四五、《北史》卷二六《韦閼传》均附有传，但很简略。是志记其奉卫魏孝武帝逃离洛阳，投奔关中镇将宇文泰，赏频阳县开国侯，食邑八百户的事，可补史阙。

韦彪妻柳遗兰墓志

北周建德五年（576）后立石。1998年10月出土于长安县韦曲北原。

志石方形，长宽均39、厚10厘米。志文楷本中带有隶书笔意，共14行，满行14字。

按：是志卒、葬期未载明朝代及年号，仅有“二年二月廿日甲申”的记载。其夫韦彪卒于北周武成二年（560），时年59岁。葬于建德五年（576）十一月九日（见本册《韦彪墓志铭》）。从其志文看，葬时夫人仍在。检方诗铭《中国史历日和中西历日对照表》，从北周武成二年，历有隋一代，至唐武德八年（625）二月廿日才为甲申日，其间65年。如果夫人与韦彪年龄相仿，则此时已百二十岁有余，似不可能。说明“甲申”或“廿日”的记载必有一误。又志主籍贯为“河东郡南解县”，南解县，后魏置，北周废，隋、唐已无此县名。故夫人似卒于北周。

录文

车骑大将军廷尉卿仪同三司频阳」县开国侯京兆韦彪妻河东郡南解」县柳遗兰之墓志铭曰：闭山原隐，皇夹将为，风烟如阔，万祚口尘。何口」飞止，游之苍梧。岂会分古为今，合骨」不远也。云霞卷舒，蔡灭空然，非欲人」之闻见，何求贯见合于礼哉！搔骨痛」之，不知瘞非栖神含房也。寻天只尺」，动容虔力，何事流仁，湊恻无为也。无」乃彪志焉。二年二月廿日甲申」。妻父璨，^①元璋，雍州长史、行州事、相」州中山王长史、行州事、征虏将军、正」平太守、安阳伯。息女辉亲，年卅八，适」魏氏，使持节车骑大将军、仪同三司」、大都督、卢乡县开国侯魏景昌」。

【注】^①此处疑脱一“字”字。

宇文瓘墓志铭

录文

大周使持节仪同大将军安州总管府长史治随州刺史建安子宇文瓘墓志」

公讳瓘，字世恭，京兆万年人也。本姓韦氏，后魏末改焉。若乃电影含星，轩辕所以」诞圣；蜺光绕月，颛顼于是降灵。霸迹隆基，则诗歌朱黻；儒宗继相，则德贵黄金。九」世卿族，必复其始；七叶珥貂，抑钟余庆。亡祖旭，司空、文惠公。德茂天爵，位崇公」器。亡考处士府君，高蹈绝俗，幽贞无闷。巢许不远，禽尚何人。公即处士之第三」子也。季父孝固，吏部郎中、赠雍州刺史，安平恭子。同奉孝之早歿，类伯道之无儿」。以公傍继小宗，义昭犹子。公幼而秀异，风神闲绰，资忠履孝，游艺依仁。学穷书府」，则百遍留目；词逸翰林，则千赋在手。比之曾子、张霸，慙其高踪；譬以颜生、黄宪，惭」其实录。释褐大将军中山公府宾曹参军，俄转中外府记室曹。虽石苞位重，而孙」楚气高。托意南山，遂纡东海。袭爵安平县开国子，俄授帅都督、御伯下大夫，又转」小御正。职是丝纶，明其纠察。非藉俊异，畴能两之。除大都督，又迁车骑大将军、仪」同三司。韩增麾号，邓騭台袞，辉映两京，莫此为盛。改封建安县开国子，仍除安州」总管府长史。此州控随、郢之沃壤，扬沔、汉之清波，民半左夏，地邻疆场。僚端所寄」，才望是资。公断决如流，提翊有序。镇南声绩，盖有助云。俄治随州刺史。方秉德励」精，该十部之使；褰帷承宠，伫三公之服。而天流十日，悲谷之影无迴；地纪百川，焦」壑之波长泻。建德六年岁次丁酉十月十七日遭疾，薨于随州，春秋卅三。宣政元」年岁次戊戌四月戊戌朔廿四日辛酉，反葬于万年县洪固乡寿贵里。公

言行兼「修，荣辱罕累。好善无倦，奉九言而弗失；谈何容易，酬三语而见知。嘉以仪表蕴藉」，志情夷简，素气与风云共远，雅趣与丘壑俱深。虽复才为世出，学殊为己。见维纓「紱，非其好焉。前妻万春县君范阳卢氏，开府容城伯柔之女。靖恭闲令，玩阅诗史」。当春早落，厚夜方同。将恐地毁成湖，桑沉作海，式凭镌勒，永播芳猷。乃为铭曰：

源导嵎崧，基崇岷阆。商资两伯，汉尊二相。胤绪斯分，风流可尚。守卫作台，登其有「让。显允君子，含章挺生。丽川含场，蓝岫开琼。率由孝敬，藉甚声名。徐榻屡下，蔡屣「频迎。贱璧吝阴，师逸功倍。谈穷理窟，情擒笔海。访兽辩牙，梦禽惊采。持满慎逸，知「足诚殆。爰初观国，名超择宫。记曹旧藻，纠正闻风。招携江表，刺举汉东。博宣风化「，载缉民戎。天道茫昧，人途飘忽。一息长谢，百龄何卒。徒驭如归，生灵已没。缙帐虚「网，书帷空月。焚荆命兆，树檟开阡。哀铎缓节，悲骖不前。风鸣隧草，云没山田。纪兹「令德，寄此贞坚」。

长子万顷，世子勇力，次子惠尚」。

长女适荥阳毛氏宜君侯，次女适安定梁氏，次女适陇西辛氏」。

按：宇文瓘，字世恭，据志文本姓韦氏，即应为韦瓘。韦瓘，《北史》卷六四、《周书》卷三一、《新唐书》卷七四上《宰相世系表十四上》均有简记。《北史·韦孝宽传》附其兄夔、夔子世康传，世康传云：

“兄洸，字世穆……洸弟瓘，字世恭，御正大夫、仪同三司、行随州刺史。”所记名讳、字与是志主相同，官职基本一致，可见为一人无疑。如此则瓘亦应为夔之子，孝宽之侄。又志文云：“亡祖旭，司空、文惠公……亡考处士府君，高蹈绝俗，幽贞无闷……公即处士之第三子也。”亡祖与孝宽父相符，父名虽未载明，但从其身份为“处士”（未仕或不愿做官的人），“高蹈绝俗”看，与夔传“志尚夷简，淡于荣利……前后十见征辟，皆不从命……周明帝敕有司日给河东酒一斗，号之曰逍遥公”相符。故宇文瓘实乃京兆杜陵韦氏成员。其叔父韦孝宽，父韦夔，乃南北朝至隋唐时期大名鼎鼎声势烜赫的京兆韦氏的奠基人。孝宽历仕北魏、西魏、北周三朝，为以宇文氏为首的西魏、北周统治集团的核心人物，西魏封穰县公、尚书右仆射。

“有周御历，赐姓宇文氏”（见本册韦孝宽墓志铭。按瓘赐皇族姓亦应在此时），赠十一州诸军事、雍州牧，谥曰襄公，史称郕襄公，即唐代著名的京兆杜陵韦氏九房中郕公房的始祖。夔则为逍遥公房始祖。

瓘志还用大量篇幅追述先祖渊源。诸如“轩辕所以诞圣……颛顼于是降灵”，“霸迹隆基……儒宗继相”，“商资两伯，汉尊二相”等。据《元和姓纂》卷二韦氏条及《新唐书·宰相世系表》，韦氏祖先出自风姓，相传为黄帝之孙颛顼的后裔。在夏商之世，有大彭、元哲迭为商伯；汉代，有韦贤、韦玄成相继为相；后汉，有浚、豹、著分别为尚书令、梓潼太守、东海相；入魏，又有胄为安成侯。之后，子孙更为昌盛，族大枝繁，分为九房：西眷、东眷、逍遥公房、郕公房、南皮公房、驸马公房、龙门公房、小逍遥公房、京兆韦氏。且出将入相，人才辈出。除韦孝宽为宰相外，仅有唐一代即有宰相十六人。（《新唐书·宰相世系表》：“宰相十四人。”韦安石、韦承庆均相武则天，史书失载。实应为十六人。）从而看出，韦氏一宗确实源远流长，世代荣显，延绵不绝。且唐代更是人才济济，声势烜赫。故北朝至隋唐韦氏墓志有一共同特点：开篇即追述远祖渊源，炫耀近代功名。瓘志亦然。读此，则对韦氏诸多墓志中叙述先世的文字一目了然。

志文又云：“季父孝固，吏部郎中、赠雍州刺史、安平恭子。同奉孝之早歿，类伯道之无儿。以公傍继小宗，义昭犹子。”《北史》《周书》孝宽传、《新唐书·宰相世系表》皆载韦旭二子：夔（敬远）、叔裕（孝宽）。由是志知旭还别有一子名孝固。孝固为小宗，又早歿，无子，以瓘为嗣子，故史传失载。瓘三子：万顷、勇力、尚惠。以上四人，万顷《新唐书·宰相世系表》有载，余三人可补史之阙。将上述内容与史书记载对照互补，并结合近年出土逍遥公房后嗣墓志，可得该房部分成员世系表：

远……祖瓘……父仁基……”，说明仁基为瓘一子。又《新·表》载敬远第五子名仁基，与俊父名讳、职官均同（皆为龙州刺史）。则瓘子、弟同名，且同官一地。似不可能。疑《新·表》有误。

③是表中，挺、几□（字敬與）父子，孝忠、瑱父子，俊、緄、晃、洄、瓚墓志，均见本册。

韦孝宽墓志铭并盖

北周大象二年（580）十二月九日立石。1990年春出土于长安县韦曲北原。现存陕西省考古研究院。

盖呈覆斗形，志方形，均长69、宽69、厚10厘米。盖文阳刻篆书3行，行3字：“周上柱「国郎襄」公墓志”。志文楷书40行，满行40字。盖右上角残。

录文

大周使持节太傅上柱国雍州牧郕襄公之墓志」

公讳宽，字孝宽，本姓韦氏，京兆杜陵人。商丘盛玄帝之绪，相土隆彤弓之业。二相声高，腾芳汉简；三君德懋，流曜县图。衣纓之盛，羽仪当世矣。祖真惠，清规雅量，见重缙绅，历冯翊、扶风二郡守，赠泾州刺史。父旭，道风素望，蔚为世翊。官至尚书右丞、幽州刺史、赠司空公，谥曰文惠。公两仪降气，五纬垂精。膺大德之期，践通人之会。峨然与昆阆同仁，浩乎与江河合智。风声杰出，器望孤标，材兼将相，艺备文武。申韩富强之术，存于度内；孙吴钲鼓之教，得自胸中。属魏历初屯，中原方割，西夏肆逆，东王出讨。公弱冠从戎，立功秦地。建义初，拜国子博士，仍转通直散骑侍郎、山北县开国男。太祖龙飞百二，虎据三分，折胜藉帷幄之谋，扞城资腹心之用。委质策名，顺风从谏，竭在三之节，怀靡二之诚。除大行台左丞。自是东征西伐，必预行闻，契润艰虞，栉沐风雨。时两河未静，三川大乱。公出军阳城，亟摧恶党；治兵阴地，屡折凶徒。授恒农郡守，寻转持节镇东将军，带宜阳郡事。俄迁车骑大将军、南兖州刺史，进爵为侯，又加通直散骑常侍。寻授大都督、晋建汾三州正平郡诸军事、晋州刺史。东秦放命，敢肆穿窬，驱率犬羊，攻围城雉，作梯冲于天上，飞锋镝于地中。公外仗朝威，内扬神口，随方捍御，绵历六旬，流血成川，积尸如莽。既而妖徒力屈，元恶计穷，泉水不枯，便看乱辙，箭杆未尽，已睹投衡。建此殊功，用隆赏典，封建忠郡开国公，邑一千五百户。寻除骠骑大将军、开府仪同三司，加侍中，又为雍州刺史。宣条布政，导惠齐祀，变六辅之风，正五方之俗。迁使持节大将军。江陵之役，功有助焉。师还，别封一子穰县开国公，又转尚书右仆射。矜品之寄，才望是归，授小司徒。有周御历，赐姓宇文氏，又为延州总管。风行狄土，威凌沙塞，折胶绝埃尘之急，囊书息烽燧之惊。转为勋州总管，俄迁柱国，定封郕国公，邑五千户。大风起猛士之哥，属车异威边之宝。公再镇汾隅，实宣声略，拜大司空。水上载平，棘木斯蔚，寻迁上柱国。式遏为重，居中更轻，除徐州总管。时句吴未宾，洞庭负固，桐柏之南，剪为异域，授公行军元帅，委之经计。运开山之术，申整楼之勇，百城雾卷，千里霜摧。别封一子滑国公，邑五千户。宣皇宴驾，嗣主幼冲，布惠宣威，实资朝彦，授公相州总管。尉迟迥志图问鼎，岨兵作乱。天子乃心东顾，听朝不怡。公武略夙标，英图横厉，仍授以元帅，总兵薄伐。一麾而清沁渚，再鼓而廓漳滨。沴气克消，地有武丘之号；妖精载荡，县有闻喜之名。饮至礼成，策勋未赏。天不慙遗，良木云坏。春秋七十有二，以大象二年十一月廿七日，死于京第。县官兴悬轍之感，上宰軫奔车之悼。诏赠使持节太傅、上柱国、怀衡黎相赵洛贝沧瀛魏冀十一州诸军事、雍州牧，谥襄公，礼也。惟公命世降生，含和挺质。立行成则，出言有章，三德聿修，九思无爽。筮仕遇群飞之日，结发值龙战之秋。徇义忘躬，识贞心于劲草；推诚奉国，表高节而后雕。栋干之望有归，谟明之寄攸在。至如料敌出奇，举不失德，安边定远，计无遗算。及道隆四履，业冠五侯，居高而能撝损，处贵

而不骄汰。求仁履信，风雨不已，趣贤爱士，吐握忘疲。身不怨于天下，行无忤于一物。故能保兹盛德，令此荣声，同成文于立言，并孙侨于遗爱。越其年十二月九日，归葬于万年之寿贵里。属国立玄甲之兵，轻车阵五营之骑。宾门哀次，空悲即远之及；山椒解驾，更悼如疑之还。丘陵若徙，芳猷不坠。其词曰：

昭昭胤绪，既浚且崇。居相以德，作伯由功。世传盛世，门嗣高风。山川秀气，实生我公。凰历基初，龙图运俶。载驱金阵，实勤秣服。吴邓谋猷，良平心腹。望隆轩冕，寄深符竹。金章去里，玉节临封。狡焉肆毒，逼我崇墉。百楼御侮，九地折衡。妖徒弃甲，令绩刊钟。五湖叛换，两河跋扈。总勒骁雄，驱驰貔虎。大风染锔，长蛇衅鼓。地纽还维，天经重补。功名不已，人世忽而。遗爱千叶，立言一时。山门画冷，松庭夜悲。佳城或启，清尘在兹。

夫人华阴杨氏，生长子那罹，长女长英。夫人荥阳郑氏，改姓贺兰，生世子总，次子寿。夫人河南拓跋氏，生子霁。长子那罹早丧，赠使持节仪同三司、中平县开国。次子谌，字奉忠，使持节仪同大将军、陵蓬二州刺史、穰县开国公，继第四弟子迁后。世子总，字善会，使持节开府京兆尹，殁于王事，赠柱国、蒲陕熊中义五州刺史、河南郡开国公，谥曰贞。次子寿，字世龄，使持节开府仪同大将军、京兆尹、滑国公。次子霁，字开云，使持节开府仪同大将军、安邑县开国伯。次子津，字悉达，使持节仪同大将军、武阳郡开国公。次子无漏，永安县开国侯。总子世孙圆成，使持节开府仪同大将军。长女普安郡公主，适开府少保、新蔡郡开国公解斯恢。

按：郾襄公韦孝宽，乃南北朝至隋唐大名鼎鼎声势烜赫的杜陵韦氏的奠基人，唐代韦氏九房之一郾公房的鼻祖。《北史》卷六四、《周书》卷三一均有传。关于韦氏家族史综述及韦孝宽的历史功绩，可参阅本册宇文瓘、韦俊墓志铭按语，此不赘言。本志文并考释又见戴应新《韦孝宽墓志》一文，载于《文博》1991年第5期。

梁暄墓志铭

隋开皇二年（582）正月二十八日纳石。2004年5月出土于长安泂水南岸。现私人收藏。

志石方形，长、宽均42.5厘米。志文楷书18行，满行18字。

录文

大隋使持节仪同大将军邵州刺史梁君墓志」

公讳暄，字季明，洛阳人也。仆射畅之世孙。父敬」，魏朝光禄卿、南秦州刺史、京兆尹。公幼而岐嶷」，令范早闻。弱冠知名，皇朝所重。志性淑静，不贪」世物，文武俱备，又好经书，善能谈论。虽居俗表」，志每归山。以魏永熙二年举贤良，任益州司马」、骠骠将军、义阳郡守。大统六年，任仪同大丞相」府功曹、安西将军、银青光禄。以魏口元年，任口」州清水郡守。周二年，入朝为武藏口夫、征南将」军、右金紫光禄。建德五年，复出为邵州、王屋守」。以大隋开皇元年八月，公既历事三朝，勤诚宿」著，遂授使持节仪同大将军、颍阳县^①开国男。以」开皇二年岁次壬寅正月丙午朔薨于家，春秋」七十有七。即以其月廿八日，窆于长安县界族」正李端下高官泂水之南。恐海桑不定，深谷潜」移，故勒玄石，乃为铭曰：

高陵会徙，深谷终移。乾坤不朽，人死何」辞」。

【注】①“颍阳县”，史书无载，当为“颍阳县”之笔误。

宋胡墓志铭并盖

隋开皇五年（585）八月十二日纳石。2004年4月出土于长安区郭杜镇康都村，即今西北大学长安新校区内。现藏陕西省考古研究院。

盖呈覆斗形，长47、宽47、厚10厘米。盖文阳刻篆书“大隋仪同」新泰县开」国伯宋虎」之墓志记”十六字。四杀线刻四神纹。志石正方形，边长47、厚7厘米。志文阴刻楷书26行，满行26字。四侧线刻蔓草纹。

录文

大隋开皇五年岁次乙巳八月乙酉朔十二日丙申葬于城南高阳」原使持节仪同三司内常侍故宋虎墓志」

君讳胡，字虎，襄州当阳郡武陵县人，楚大夫宋玉之后也。自玄鸟降」祥，白狼程瑞，猗欤那欤，寔基宋氏。穆以让嗣义成，景则修己灾灭。汤」孙之绪，申锡无疆。灌花睦邻，就称阴德。登高作赋，王受赐田。昌廷断」安文弘，推诚谏武。积善馀庆，基在斯乎！祖宝，州主簿。父琨，郡功曹。安」兹下泽，见誉州里。君幼怀肤敏，操履专一。梁湘东王作牧荆陕，闻而」召焉。以其温仁，参侍帷幄。及龙飞践祚，受应敕左右。江陵内款，入」补寺人，事周武皇帝。寻加旷野将军，迁巷伯二命士。天和五年，策为」都督。建德之初，改任掌寝。君职参闾阍，务周宫掖，翼翼居心，温温为」度，无疑贝锦，不虑南箕。俄转伏波将军、帅都督。建德五年，诏授使」持节仪同大将军、新泰县开国子。大象二年，出典邻山郡守，进爵为」伯。善政有闻，咸称来晚。开皇二年，又除南安太守。四千连秩，五袴成」歌。其年，诏追授内常侍。郑众诚谨，匹此未优；曹腾进贤，方兹为劣」。达人之德，成人之美，开国承家，寔允金议。四年，从驾幸洛阳。五年四月，卒于杜化，春秋五十有一。粤八月十二日，窆于高阳原。君立」身立行，始终如一。精专紫闼，趋奉黄扉，润玉鸣腰，刚金耀首。不溺丝纶」，克张诸艺。赵谈史迁，顾有惭色。既而龟山徙地，北谷成门，陵海亟移」，哲人须纪。含豪撰德，乃制铭云：

浚哲惟永，长发其祥。虹生白帝，燕诞玄王。有秩斯祐，启宋承商。玉擅」清文，义兼威武。公言拒相，贫交辞主。春兰秋菊，无绝终古。夫君才央」擢秀，恭慎为基。便烦紫掖，密勿丹墀。有荣贝带，无愁锦诗。伏波旷野」，爰饰戎衣。爵通五等，仪比三司。剖符外守，飞纓内闱。华实兼美，蝉珮」交辉。阅水不停，嵒山遽掩。桂岭落芳，琨崖碎琰。去此高堂，陟兹修巘」。画柳低昂，丹旂舒卷。野晦烟浓，松深日浅。泉扃已闭，夜室方昏。萧归」薄曲，魂逝修门。和风拂草，净月临原。千龄永矣，四序何言」。

刘侠墓志铭并盖

隋开皇六年（586）十一月十九日纳石。2004年3月出土于长安西郭杜镇康都村，亦即西北大学长安新校区。现藏陕西省考古研究院。

盖呈覆斗形，边长38、厚8厘米。盖文阴刻楷书“襄州别」驾平舒」公墓志”九字。志石正方形，边长38、厚7厘米。志文隶书25行，满行25字。字间线刻界格。

录文

大隋骠骑将军右光禄襄州别驾口长史平舒子刘公墓志」

公讳侠，字方仁，定州芦奴人也。其先帝尧之后。若乃宗兴两汉，迨」王三吴，前帝后皇，备书图史。